



UNIVERSITÄTS-
BIBLIOTHEK
PADERBORN

Universitätsbibliothek Paderborn

Monumenta Paderbornensia

Ferdinand <II., Paderborn, Bischof>

Francofurti ; Lipsiæ ; Norjbergæ, 1713

Privilegium Caroli M. Imp.

urn:nbn:de:hbz:466:1-29975


P R I V I L E G I U M

C A R O L I M . I M P .

*Osnabrugensi Ecclesie datum XIII. Kal. Jan. An. IIII.
Imperii, qui est annus Christi
DCCCIII.*

IN nomine Sanctæ & individuæ Trinitatis Karolus imperator augustus romanum gubernans imperium qui & rex francorum & langabardorum nec non modo dominator & saxonum. Notum sit omnibus sanctæ Dei ecclesiæ fidelibus nostrisque præsentibus scilicet & futuris qualiter nos ob nostræ mercedis augmentum Wihoni Osnabrugensi episcopo suæque ecclesiæ quam nos primam omnium in saxoniam in honore sancti Petri principis Apostolorum & sanctorum martyrum Crispini & Crispiniani construximus quoddam nemus vel forestum infra hæc loca situm. farnevinkil. rutanstein. angeri. ofning. sinedi. bergashovid. drevensmeri. dumeri. collaudatione illius regionis potentum cum omni integritate in porcis videlicet silvaticis atque cervis avibus & piscibus omnique venatione quæ sub banno usuali ad forestum deputatur ad similitudinem foresti nostri aquisgranum pertinentis in silva ofningi in perpetuum proprietatis usum donavimus ea videlicet ratione quod si quisquam hoc idem nemus nostro banno munitum sine prædictæ sedis episcopi licentia studio vendandi vel silvam extirpandi vel aliquod huiusmodi negotium peragendi umquam intrare præsumpserit. sciat se tam divinæ quam & regis ultionis vindictam incursum. nec non pro delicto sexaginta solidos nostri ponderis quos nobis pro banno violato debere statuimus redditurum. Insuper vero eidem episcopo suisque successoribus perpetuam concedimus libertatem & ab omni regali servitio confirmamus absolutionem. nisi forte contingat ut imperator romanorum vel rex grecorum conjugalia federa inter filios eorum contrahere disponant tunc ecclesiæ illius episcopus omni sumptu à rege vel imperatore

ratore adhibito laborem simul & honorem illius legationis assumat & hoc ea de causa statuimus quia in eodem loco grecas & latinas scolas in perpetuum manere ordinavimus & nunquam clericos utriusque linguæ gnaros ibidem deesse in Dei misericordia confidimus. Et ut hæc auctoritas firmior habeatur ac diuturnis temporibus melius conserve- tur manu propria subter eam roborare decrevimus & de anulo nostro sigillare iussimus.



Amalbertus ad vicem Ercanbaldi recognovi



Data XIII. Kl. Jan. anno IIII. Christo propitio Imperii nostri & XXXVII. regni nostri in Francia. atque XXXI. in Italia. Actum Aquisgrani palatio in Dei nomine feliciter amen.

CA.